

## **Džělowy plan za wučbnicy schwaleny**

Budyšin/B.Wjeńcyna: Cyłkownje 31 nowych titulow planuja lětsa w Rěčnym centrumje WITAJ w Budyšinje a Choćebuzu. Wotpowědny džělowy plan schwali wčera, 15.januara w Budyšinje, Schwalenska komisija za serbske wučbnicy. Jej přisłušeja nimo RCW wučerki-fachowe poradźowarki za zakładnu a srjedźnu šulu a gymnazij, zastupjerjo z Delnjeje Łužicy, zastupjerjo Serbskeho šulskeho towarstwa, LND, Sakskeje kubłanskeje agentury a zastupjerjo Załožby za serbski lud. Ze schwalenjom džěloweho plana 2010 je trěbność nadžěłanja kóždoho jednotliwego titula wobsahowje ze stron fachowcow-praktikarjow a zamołwitych gremijow wobkručeny.

Je z wašnjom, zo bilancuje wotrijadnica RCW Annett Džědźikowa na spočatku posedženja lońše lěto. W nim nadžěła so 16 hornjoserbskich a 3 delnjoserbske wučbnicy, 7 hornjoserbskich a 2 delnjoserbskej džělowej zešiwkaj, 1 dnjownik za Delnju Łužicu a hornjoserbska CD-ROM k wobrazowemu słownikej. Nimo toho nasta 15 projektowych titulow, na př. kopěrowanske předłohi, dźiwadłowa hra „Žołma“ a rymowy memo.

Lětuši plan RCW wobsahuje w přěnim rjedže wučbnicy za serbsku maćernorěčnu wučbu a za wučbu serbsčiny po modelu 2 plus za lětniki 6, 7, 9 a 10. Rjad licencnych wudaćow za biologiju a geografiju so dale wudospołnja a wučbnicy za hudźbu, stawizny a nabožinu su we wuwijanju. Nowostce stej synonymowy słowničk za 1.do 4.lětnik a interaktiwna wuknjenska CD.